

25. jan. 2015

Inatsisartut Suleriaasianni § 37 naapertorlugu matumuuna Naalackersuisunut apeqqutit imaattut saqqummiuppakka:

Apeqquteqaat:

1. Inuiaat Kalaallit nunartik “Inuit Nunaat”-nik taajulissallugu Naalackersuisut isumaqarpat nunatta inatsisaani atuuttuni nunarsuarmioqatigiillu inatsisaani arlaatigut aporfissaqartoq?
2. Naalackersuisunit ilisimaneqarpa “Kalaallit Nunaat” taajuutaa allanngortillugu ”Inuit Nunaat”-nik taajorneqalersinnaanera nunatta innuttaasa amerlanerussuteqartut soqutigineraat?
 - a. Apeqqummut akissut ilisimaneqanngippat innuttaasut isumaannik misissuititsinissamik pilersaaruteqartoqarpa?
3. Apeqqut 2a-mi akissut akuersaartumik nipeqarpat Naalackersuisunit Kalaallit Nunaat “Inuit Nunaat”-nik taajuuteqalersinneqarsinnaanissaa pillugu misissuititsinissami suleriaaseq qanoq ittoq atussallugu eqqarsaatersuutigineqarpa?
4. Naalackersuisut nunatta “Inuit Nunaat”-nik taajuuteqalersinneqarsinnaanera pillugu issittumi naggueqatitsinnik isumasioqateqarnissaminnik ukiuni tulleriinni qaninnerni pisinnaasumik pilersaaruteqarpat?

(Inatsisartuni ilaasortaq Nikolaj Jeremiassen, Siumut)

Tunngavilersuut:

Inuiaat nukittuut imminnullu tatigisut nunamut tummaarisannut ukiorpasuit matuma siornatigut nunassissimmammata nuannaarutigisarpara, inuiaat allat nunassiffigisaraluarlugu sivisunerusumik najorsinnaasimangisaat naleqqussartuarnitsigut maanngamut kinguaat najorparput, uagutsinnillu inuiaat allat tatiginnittut ataqqinnittullu taasarpaatigut ”INUIT” piffissanngunnginnerluni siulitta ataqqinartut nunaminnut taaguutaat ”INUIT NUNAAT” utertillugu taaguutigileqqinnissaanut.

Tapiliullugu ilanngutissavara Akilinermit “Inuit” nunartik ataatsimoortut Canadap ataani inissisimasut juunip qulingat 2009 angullugu taajuuteqartissimmammassuk “*inuit Nunaat*”, nunat pineqartut tassaallutik: *Inuvialuit*, “*Nunavut*”, *Nunavik*” aamma “*Nunatsiavut*”, ullorli taanna 10. Juni 2009 “Inuit Tapiriit Kanatami” ukiumoortumik ataatsimeersuarneranni Nain Nunatsiavummi siulersuisuisa nunartik “*Inuit Nunangat*”-nik taajuuteqalertissimavaat. Inuit Nunangat Kalaallisut taajuutaanit “Inuit Nunaat”-nit toqqannarlugu oqaatsiminnut tulluarsarlugu taajuutigilertissimavaat. Taajuutip paasineqarnerani “*Siku*” “*Imartarlu*” ilaatinneqarnartik nunarlu tummaarisartik kisiat taama taajuuteqartillugu.

Taamaakkaluartoq ilisimavarput Inuit “Nuna”, “siku” “imartarlu” kultooriminnut inooriaatsiminnullu ilaalluinnartutut isigisaraat.